

雍大記序


記疏載之文也述以爲事而無事於創作而疏貴載其詳述則貴得其要載其詳者繁於繁得其要斯發於精矣無繁弊而精以幾惟記其大者始然凡爲文者必此爲法况於括倫輿方近歷今古法可違乎大復于雍大記之成其意若此夫其爲體裁者三以擬於疆域者屬之攷謂漁散有以稽也擬於人代者屬之紀謂政時有以著也以成諸條立者屬之志謂有以錄其存知也憫時彰微著言以斷寓發褒諷放取遷固序贊附列述以兼作之法而損益舊志約成名

類折易迹運治音獻以別詞序簡核以彰往蹟宣人文以爲要其於二者有弗切者則弗錄焉斯既得載事之法成一書於一方而可以觀矣書成大復子屬余序於首簡余評曰彰往蹟宣人文分載六類以記雍之大蓋善於記矣而類之志獻顯昭人文尤記之大者乎此形勝以資其華袞河嶽以炫其靈秀幅圖以倚其崇著而彼黼黻經緯被浹宇內德業高大以久豈獨係於一域已乎今大州齊九野雍域西北崐崙奠其區宇內之流必山爲宗宇內之山必崐崙爲宗而羲軒文武伊衡且爽此生爲聖卦爻象象此衍

爲文麟趾關雎此端成化以衍以發緒授道化流風聞繼未有已息吾能識矣書不可勝今志尤耳彼山川風氣古無異壤則今亦無異毓嗣起人文躅懿前脩俾輿圖益擢誠矚之後人不及預載者大復子督學柄憲此於職司又爲大馬待愆續書將來未涯夫豈徒以脩立文字載麗於今以已哉大復子何氏仲默汝南人是書開局立例召學官生徒分輯成編岐三十卷訂改甫就即病而休去憲僉展陽周公宗化攝學政乃命校錄畢刊周公表見人文之功此並大焉法當記者遂於序并書之

嘉靖壬午正月甲子關西逸史段熈序

卷



雍大記序例

雍大記者記雍之大也夫括方數千百里之地貫穿數千百代之事有不可勝載者必博收約文徵詞廣義以勒成一家之言斯可久遠行矣

夫類書勦而不根散而無宗雜而靡具是故觀者庶焉今之所集務採事實撮要本備始終以利觀者

方域易置古今相湮或失其故今據圖乘稽聞是以求名實

山川取其望者某山宗也某川統也某山川系之其在澤陵墓宮殿率附見焉若於地勢要害時事得失無所



係者悉得畧之

雍古帝王州也正位大統是宜詳載其三代封國之君  
春秋以來諸侯及晉宋之間夷狄入主者世系未泯典  
策有徵亦不得弗叙

人物各以傳叙列無傳而傳聞著者亦得疏其行實其  
仕宦流寓非其地產者別叙其所建白而其人因以見  
矣

文章錄其合作者不必皆取全篇苟有名理卽數言亦  
采

叙述之義悉依訓參史斷以儒哲之論其涉怪誕詎不

可以經也遂生者悉黜

紀叙各以時代俾古今不相踰紊

書以類分其類有六其體惟三類有多寡各以數目詮  
次

曰物產戶口徭役賦稅弗載何也曰是書之作要在彰  
往蹟宣人文而已彼皆有地乘焉故弗載

今之人文其存者弗錄何也曰君子畢身而是定言行  
身後而始章蓋夫子沒而後學者叙論其事弗錄存者  
俟也



氏大記之作足以當關陝全志哉且其考據精而  
其議論要而正鋪叙得作史家法而詞語爛然關陝  
志中之佳品哉使其於疆里山川歷畫圖以標於  
物產之所出釋老二氏之遺踪無包不遺焉則後  
者予亦不後觀矣

明姑蘇吳岫筆



雍大記目錄

卷之一

攷易

卷之二

攷易

卷之三

攷易

卷之四

攷易

卷之五



攷易

卷之六

攷易

卷之七

攷易

卷之八

攷易

卷之九

攷迹

卷之十

攷迹

卷之十一

攷迹

卷之十二

攷迹

卷之十三

攷迹

卷之十四

紀運

卷之十五

紀運

卷之十六

紀運

卷之十七

紀運

卷之十八

紀運

卷之十九

紀治

卷之二十

紀治

卷之二十一

紀治

卷之二十二

紀治

卷之二十三

紀治

卷之二十四

紀治

卷之二十五



紀治

卷之二十六

志獻

卷之二十七

志獻

卷之二十八

志獻

卷之二十九

志獻

卷之三十

志獻

卷之三十一

志賁

卷之三十二

志賁

卷之三十三

志賁

卷之三十四

志賁

卷之三十五

志賈

卷之三十六

志賈

曆改元張獻英借辰宜惟方輿指掌於  
地卦蓋有良火才矣



雍大記目錄終

雍大記卷之一

吳岫書

攷易

芒芒皇垠厥維西華留名都鉅鎮限夷蔽夏覽古悠邈肇  
茲實丕廢置靡常凶華世變迺明疆理慎此提封作攷  
易

陝西在禹貢為雍州春秋元命包曰東井鬼宿分為秦  
國東距鞏坂西有漢中南含商山北阻陽周春秋文炳  
鈎曰華岐以北龍門積石南至三危之野雍州也屬魁  
星漢書地志曰自東井十六度至柳分度為鶉首於辰  
在未秦之分野廣雅曰北斗樞為雍州周秦西漢西晉

後趙符姚西魏後周隋唐於此置都西漢置司隸校尉領三輔置涼州都刺史察舉隴西北地等郡而不常所治東漢司隸如故涼州治隴唐貞觀中置關內道開元也置京畿等四道採訪處置使而京畿道治京城關內道以京官領隴西道治西平山南西道治漢中後改採訪爲觀察其治仍舊宋初置陝西路後置耒興鄜延環慶秦鳳涇原熙河六路經畧安撫司並以守臣兼領又置提點刑獄司治鳳翔金置陝西東路京兆都總管府以京兆府尹兼統軍宣權元帥左都監爲軍民都總管縣令兼軍民鎮撫都彈壓元中統元年置十路宣撫司

治西平路又置鞏昌便宜都總帥府中統三年立陝西四川行省至元七年改行尚書省九年改設王相府十七年罷王相府立陝西行中書省二十三年四川分省成都專立陝西行省大德元年移雲南御史於陝西謂之西臺皇慶元年改西安爲奉元路

國朝洪武七

年改行中書省置陝西等處承宣布政使司領西安鳳

翔平涼延安慶陽臨洮鞏昌漢中八府改前元宣撫司

置陝西都指揮使司領西安左西安前西安後平涼慶

陽延安綏德鞏昌秦州臨洮蘭州洮州岷州河州寧夏

寧夏中寧夏前寧夏左屯寧夏右屯寧夏靖虜固原漢



中榆林及四護衛鳳翔金州文縣三守禦千戶所又於  
河外甘州置陝行都指揮使司領甘州左甘州右甘州  
中甘州前甘州後肅州山丹永昌涼州西寧莊浪鎮番  
十二衛及鎮戍高臺古浪三守禦所改前元肅政廉訪  
司置陝西等處提刑按察司分六道關內道理西安關  
西道理平鳳關南道理漢中隴右道理臨鞏洮岷河西  
道理延慶寧夏西寧道理行都司各衛所三司並治西  
安府而行都司則分治甘州以控制河外山堂考索云  
陝西虞夏曰雍州商周曰西土春秋爲秦國戰國稱關  
中楚漢之際謂之三秦兩漢又名關西宋爲陝西路史  
記婁敬說高帝曰陛下都洛陽豈欲與周室比隆哉上  
曰然敬曰陛下取天下與周室異周自后稷堯封之節  
積德累善十有餘世成王即位迺營成周洛邑以此爲  
天下之中也諸侯四方納貢職道里均矣有德則易以  
王無德則易以亡凡居此者欲令務以德致人不欲依  
阻險令後世驕奢以害民也及周之盛時天下和洽四  
夷向風慕義懷德附離而並事天子莊子曰附離不以  
膠漆也不屯一卒不戰一士八夷大國之民莫不實服  
效其貢職及周之衰也分而爲五天下莫朝周不能制  
也非其德薄也而形勢弱也今陛下與項羽戰滎陽爭

成臯之口大戰七十小戰四十使天下之民肝腦塗地  
父子暴骨中野不可勝數哭泣之聲未絕傷痍者未起  
而欲比隆於成康之時臣竊以爲不侔也且夫秦地被  
山帶河四塞以爲固卒然有急百萬之衆可具也因秦  
之故資甚美膏腴之地此所謂天府者也陛下入關而  
都之山東雖亂秦之故地可全而有也夫與人鬪不掩  
其吭拊其背未能全其勝也今陛下入關而都按秦之  
故地此亦掩天下之吭而拊其背也高帝問群臣群臣  
皆山東人爭言周王數百年秦二世即亡不如都東周  
上疑未能決及留侯言之上即日車駕西都關中

何景明曰余嘗自同耀按行延慶涼固西抵臨鞏旋漢  
沔金商而出藍田鄠杜逆郿鳳以東觀于豐鎬之間其  
西北皆荒漠界于蕃虜西南則錯於巴蜀皆湍險磽嶮  
由中坦行者不數百里爾古云四塞然矣至論其形勢  
咸云據此可制山東不則無成夫周以歷年蔑可尚矣  
漢唐又長秦隋蹙亡修短得喪豈不以人哉



雍大記卷之二

攷易

西安府按察置十二牧雍其一也周文武都豐鎬雍爲  
王畿秦併天下置內史領關中項籍滅秦分其地爲三  
封章邯爲雍王都廢立司馬欣爲塞王都櫟陽董翳爲  
翟王都高奴謂之三秦漢高祖元年更雍州爲渭南郡  
五年高祖在洛陽從婁敬說始都之九年罷渭南後爲  
內史景帝分置左右內史武帝太初元年改內史爲京  
兆尹以渭城以西屬右扶風長安以東屬京兆尹長陵  
以北屬左馮翊以輔京師謂之三輔又置三輔中輔理



華陰左輔理高陵右輔理郿兼三都尉亦曰六輔王莽  
分長安城六鄉置帥各一人分三輔六尉郡更始元年  
三輔各復其舊光武都洛阻河以關中地復置雍州尋復  
置司隸校尉統三輔如舊尉帝時董卓謂陳紀曰三輔  
平厥四面險固土地肥美紀曰陸海遂徙都長安魏文  
帝分河西爲涼州隴右爲秦州改京兆尹爲太守馮翊  
扶風各除右右仍以三輔屬蜀司隸晉省司隸於長安置  
雍州統七州治京兆郡惠帝中永安元年張方劫帝長安  
光熙元年六月遷洛陽愍帝之後劉聰劉曜石劫符健  
符堅姚萇相繼竊據勒復置雍州堅置司隸校尉堅分  
司隸爲雍州分京兆爲咸陽郡萇孫弘爲劉裕所滅東  
晉復置雍州及京兆郡尋爲赫連勃勃所破遺子璿鎮  
長安號曰南臺後魏大武帝始元元年破赫連昌以其  
地置秦雍南秦三州雍治京兆秦治天水南秦治伏羗  
雍州領京兆馮翊扶風咸陽北地等五郡三十一縣京  
兆郡領縣八孝武永熙二年自洛遷都長安號西魏復  
置京兆尹後周與隋因之開皇三年自漢長安故城東  
南移二十里遷都龍首川改京兆尹爲雍州大業三年  
改州爲京兆郡統縣二十二唐武德元年復爲雍州以  
古雍州之地分爲關右隴右二道後改爲關內道三年

分武功好畤整屋扶風四縣置穰州分溫秀石門二縣置泉州真觀元年廢穰州以武功好畤整屋來屬十七年廢州以華原同官二縣來屬天授元年改雍州爲京兆郡其年復爲雍州二年分始平武功奉天整屋好畤等縣復置穰州分雲陽涇陽醴泉三原富平美原等縣置宜州大足元年廢鴻臚置四州以始平等一十七縣來屬開元元年改雍州爲京兆府天寶元年以京城爲西京京兆府領縣二十置十五道採訪爲京畿道至德二載曰中京元年建丑月停京名尋曰上都天祐元年昭宗東遷于洛降爲祐國軍黃巢寇長安焚燬宮室

中盡許公韓建棄舊城反郭城因子城築京兆府城梁開平元年改府曰大安二年改軍曰承平後唐同光元年復爲西京府曰京兆晉天福元年改軍曰晉昌後漢乾祐元年改軍曰永興其府名皆仍舊宋亦曰京兆又改永興軍金初分陝西爲五路京兆爲陝西東路初管五州十二縣真祐中管八州十二縣元初仍舊爲京兆府至元十四年降三州爲縣又併四縣改京兆爲西安府管五州十一縣至大四年改奉元路 國朝改奉元路爲西安府領州六縣三十附郭治長安咸寧二縣洪武中設西安前後左三衛并右護衛於府城內隸陝

西都司

長安縣漢書郡國長安古鄉聚名史記始皇書紀王第  
長安城曰成橋將兵擊趙盧縮長安侯高帝爲長安城  
隋開皇三年遷都大興城取萬年配長安爲赤縣唐總  
章元年析置乾封縣梁開平元年改爲大安縣後唐同  
光三年復爲長安宋金元因之縣在今城西門外

國朝洪武四年移於今治

咸寧縣按漢書萬年縣屬左馮翊舊在櫟陽故城東北  
二十五里三輔黃圖漢太上皇葬櫟陽北原起萬年陵

因置萬年縣隋開皇三年遷都大興城取萬年縣以配  
長安縣唐武德二年析置北陽縣總章元年析置明堂  
縣天寶七年改萬年爲咸寧縣梁開平元年又改大年  
縣後唐同光元年復爲咸寧宋金元因之縣在今東門  
城外 國朝洪武三年移於今治

咸陽縣本周武王所都秦舊縣也孝公十二年於渭北  
城咸陽自汧隴徙都焉三秦記曰咸陽秦所都在九峻  
山南渭河水北山水俱陽故名咸陽秦自孝公惠文悼  
武昭襄王始皇二世胡亥並都之始皇二十六年一天  
下收天下兵聚之咸陽徙天下高貴豪富十二萬戶胡  
亥時闔樂爲咸陽令沛公入關秦二世子嬰降漢項羽



引兵西屠咸陽殺子嬰燒秦宮室火三月不滅漢高帝  
元年更名新城七年罷入長安元鼎三年更名渭城縣  
屬右扶風王莽改曰京城後漢省入長安秦咸陽在今  
縣東二十里故城是也漢渭城縣亦治於此前趙石勒  
於渭城置右安縣秦符堅於今縣東北長陵城置咸陽  
郡後魏太和二十年徙咸陽郡於涇水北今涇陽縣是  
也隋開皇初郡廢九年改涇陽爲咸陽十一年徙故咸  
陽城西三里屬雍州卽秦之杜郵也大業二年省入涇  
陽唐武德元年復析涇陽始平置咸陽縣屬京兆郡寄  
治龍橋三年徙白起堡六年又徙便橋西北卽今縣也  
天授二年武后以其母順陵在縣界陞爲赤縣神龍元  
年復爲畿後爲次畿宋金元皆宜縣

國朝因之隸

### 西安府

興平縣本周大丘之地帝王世紀曰周懿王二年王室  
大棄自鎬徙都大丘今槐里是也史記秦之先大駱生  
非子居大丘秦名曰廢立項羽封章邯爲雍王都廢立  
漢高帝三年改曰槐里縣屬右扶風武帝徙置茂陵縣  
昭帝又徙置平陵縣屬右扶風今縣東二十里有平陵  
古城魏皇初元年改平陵爲始平縣晉太始二年置始  
平郡領槐里始平武功鄠郿城五縣符堅徙始平於茂

陵故城後魏太武太平員君七年省始平郡縣入扶風郡焉孝莊帝永安元年又徙縣於今縣東北一十五里恭帝元年又徙今縣東北二十五里後周宣帝大象二年復徙今縣東南十里文學城隋開皇三年隸京兆郡大業九年徙於今治唐天授二年隸魏州大足元年還雍州景龍四年金城公主降吐蕃贊普中宗送至縣因改爲金城徙於馬嵬故城至德初置興平軍二載改爲興平縣宋金元皆因之 國朝仍爲興平縣隸西安府三秦記曰長安城北有始平原數百里其人井汲巢居井深五十丈漢時亦謂之北芒巖

高陵縣本秦舊縣孝公置左輔都尉治也史記秦昭王第封高陵君漢隸左馮翊王莽改曰千春其治在縣西一里故城後漢左馮翊自長安出治高陵魏黃初元年改爲高陵縣隸京兆郡其治在今縣西南後魏徙於今所隋大業二年復爲高陵唐武德元年析置鹿苑縣貞觀元年省鹿苑天授二年隸於鴻州至大足元年又屬雍州 國朝仍爲高陵隸西安府

臨潼縣本周驪戎國晉獻公伐驪戎其後秦滅之爲驪邑漢高祖七年置新豐縣郡國縣道記曰今縣東十三里故新豐縣西南四里新豐故城即高帝爲太上皇所

立後漢靈帝末徙安定郡陰盤縣寄治於此城今亦謂之陰盤城後魏太和九年徙陰盤於今縣東三十二里冷水西戲水東司馬村故城是其新豐縣自陰盤寄治後又徙於故城東三十里蓋在零水側閔帝元年又徙於天寶廢新豐縣東南七里隋大業七年又徙於天寶中廢縣所治垂拱二年以縣東南三十里有山踴出改爲慶山縣天授二年於縣界零口置鴻州析慶山渭南兩縣置鴻門縣以慶山高陵櫟陽渭南五縣隸焉又視元年廢州并鴻門縣神龍元年復改慶山爲新豐縣開元後玄宗歲幸温湯以縣去湯泉稍遠天寶四載析新豐萬年二縣於温泉宮置會昌縣於今治以山名名之外爲赤縣六載發馮翊華陰築會昌羅城於温湯所置百司及公卿邸第七載省新豐改會昌縣曰昭應宋大中祥符八年遷玉清昭應宮名改縣爲臨潼金同元大德間以櫟陽併入爲一縣國朝因之隸西安府本志面驪山背渭水東控鴻門西接灞水孟康云縣東七十里舊大道北下坂口有鴻亭高帝見項羽處涇陽縣本秦舊縣史記秦昭王弟封涇陽君按漢書涇陽舊縣屬安定郡卽今平涼境中惠帝四年改於雍州之北置池陽縣屬左馮翊故城在今縣西北二十里以



其地在池水之陽故曰池陽符堅於池陽縣東南二十

八里置涇陽縣後魏改縣置咸陽郡後周建德中省池

陽隋開皇三年罷咸陽郡徙縣治於廢郡隸雍州即今

縣也唐天授二年隸鼎州大足元年還隸雍州宋金因

之有元至元二年併入高陵縣三年復立十四年以雲

陽縣併入涇陽縣 國朝仍為涇陽縣隸西安府通

典攷仇懿王時侵暴及涇陽至宣王命將討伐至太原

稱爲車興爾雅曰十數周有焦獲蒙宇記焦獲數在今

京兆府涇陽北十數里亦名瓠口之玄宮武帝元封四

年冬十月行幸雍祠五時通田中道遂北出蕭關田中

即涇陽高平其險阻前秦錄曰符健攻張琚於宜秋還

登石安原而嘆曰美哉斯原也愴然有終馬之志

鄠縣本有夏之扈國尚書啓與有扈戰于甘之野孔安

國曰甘有扈郊春秋左氏傳夏有觀扈杜預曰始平鄠

縣有扈鄉帝王世紀曰扈至秦改爲鄠甘亭東北二十

五里有鍾官城秦始皇收天下兵銷爲中籐處殷爲崇

國文王伐崇作邑於鄠在今縣東漢志鄠縣屬右扶風

有扈父亭晉屬始平郡後魏太平負君七年屬京兆郡

自漢至隋皆爲扈城置縣即今北二里故城是隋大業

十年改今治唐爲畿內之地宋金元因之 國朝仍

爲鄠縣隸西安府世紀文王受命徙都於豐說文豐文  
王所都在京兆杜陵西南括地志周豐宮文王宮也在  
京兆鄠縣東三十五里地理志澧水出右扶風鄠縣東  
南左傳云秦穆晉侯會諸靈臺靈臺在鄠縣鄭氏曰崇  
侯虎倡紂爲無道西伯伐之

藍田縣秦舊縣也竹書紀年曰秦惠王命太子向爲藍  
田君水經云藍田縣蓋子向之邑漢書曰藍田縣秦孝  
公置山出美玉周禮曰玉之美者曰球其次曰藍三秦  
記曰縣出美玉故名藍田秦屬內史漢屬京兆尹後魏  
大武帝太平負君七年省縣孝文帝太和十一年復置

隸京兆郡後周閔帝二年析縣置玉山白鹿縣以三縣  
置藍田郡武帝建德二年山有郡廢玉山白鹿入藍田以  
隸京兆自縣西三十里故城以徙峽柳城今治是也唐武  
德二年析置白鹿縣三曰再人曰寧民又析藍田置玉山  
縣員觀二年皆省入藍田宋金元因之 國朝仍爲

藍田縣隸西安府舊志縣本一名峽柳城亦謂青泥城晉  
中興書曰桓溫伐苻健遣言兆太守薛珍擊青泥城破  
之卽其處

藍屋縣本漢舊縣山曲曰藍水曲曰屋武帝置屬右扶  
風後漢省置後之隸扶風郡後魏太平負君七年併入

武功縣後周天和二年徙縣今鄠縣西北三十五里析  
雍州之終南郡於此置恒州領周南郡建德三年始徙  
縣於今治唐置周南郡隋郡廢以縣隸京兆郡唐武德  
二年廢恒州縣隸稷州又於漢蓋屋故城置終南縣八  
年省員觀元年廢稷州復隸雍州天授二年又隸稷州  
太定元年復隸天寶元年改爲宜壽至德二年復爲蓋  
屋後晉天福元年隸鳳翔府宋因之金貞祐元年隸京  
兆府改爲恒州太守元隸奉元路 國朝洪武二年

開設仍爲蓋屋隸西安府三秦記曰魏道鍾會平萬餘  
衆分從斜谷駱谷平谷趣漢中魏曹爽由駱谷伐蜀  
雜海云縣西南一百二十里有駱谷關武德七年開駱

谷道以通梁州駱谷道漢魏舊道也南通蜀漢魏曹爽  
伐蜀由駱谷入晉司馬勳出駱谷破趙成壁於懸駒與  
地廣記駱谷路通長安唐德宗僖宗幸興元皆出此

三原縣禹貢雍州之域春秋時秦地始皇置四郡屬  
北地郡漢惠帝四年以其地置池陽縣屬左馮翊後因  
之前秦符堅於鞏擊山北置三原護軍以其地南有鄠  
原西有孟侯原北有白鹿原故名後魏太武太平真君  
七年罷護軍置三原縣屬北地郡周地圖記曰孝明帝  
孝昌三年蕭寶暉逆亂關內毛鴻賓立義柵捍賊莊帝



永安元年於此置北雍州以鴻賓爲刺史俗謂之鴻賓  
柵又徙縣治於清水谷按魏書毛邁鴻賓兒也亦有功  
於魏孝明詔徙北地郡之三原縣爲建忠郡屬北雍州  
以表其兄弟功也後周武帝建德三年郡廢以三原縣  
隸馮翊郡今縣東北三十里卽三原縣故城隋文帝開  
皇三年以縣隸雍州屬京兆郡唐高祖武德四年徙治  
於清水谷南故任城改池陽縣六年又徙故所改池陽  
縣仍分治三原縣隸北泉州太宗貞觀元年廢三原縣  
改華池縣爲三原縣隸雍州唐末李茂貞據鳳翔以京  
兆之華原縣置耀州後唐莊宗同光元年以縣隸耀州  
宋太宗太平興國初改耀州爲武德軍以縣屬之哲宗  
元祐三年復置耀州仍以縣屬隸未興軍路高宗建炎  
四年沒於金金隸陝西京兆府路元改耀州爲輝州以  
同官富平三原縣屬之隸陝西奉元路後至元二十四  
年徙三原縣於龍橋鎮是今縣治 國朝洪武二年  
改奉元路爲西安府輝州爲耀州領富平同官三原三  
縣弘治三年縣民巨海奏改直隸西安府一統志縣北  
十五里有未安城後魏以北雍州治此雜海云縣西南  
十五里有黃白城李傕亂政天子東遷三輔飢歎乃移

黃白城

商州本商契所封之國春秋時屬晉戰國時屬秦秦相商鞅食邑商邑漢屬弘農郡古弘農郡今爲華陰東漢屬京兆尹晉爲京兆南郡後置上洛郡隋改爲商洛縣元魏因之西魏兼置洛州後周改爲商州唐宋皆因之金改商州爲秦監軍防禦使元仍爲商州 國朝改

爲商縣後復改爲商州隸西安府通典商州上洛縣有商山四皓所隱其地險阻州東一百里有武關括地志曰武關山爲地門上爲天齊星關大小之不同今諸侯多其力因建關而備之豈若定地勢使守可備之患水

經注丹水東南上歷少習出武關武關秦之南關也通南陽郡左傳哀公四年謀起豐析以臨上雒使爲陰地

之命大夫將通少習以聽命杜氏注少習商縣武關也

將開武關道以伐晉京相璠曰少習楚通上洛阨道也

楚懷王三十年秦昭王遺懷王書願會武關詐命一將

軍伏兵武關號爲秦王至則閉執之以歸呂氏曰沛公

圍死定南陽至丹水還攻胡陽攻析酈皆降攻武關入

秦引兵繞峽關踰寶山擊秦軍至藍田西入咸陽賈誼

新書所爲武關函谷隘晉者大抵爲備山東諸侯也杜

篤論都賦曰杜口絕津朔方無從關梁之險多所矜帶

一卒舉礪千夫沈帶竹書紀年晉烈三年楚人伐我南

酈至於上洛王莽命王綰曰統雷之固南當荆楚史記  
六國表秦孝公十一年城商塞戰國策魏戰於陘山魏  
許秦以上洛以絕秦於楚戰國策即墨大夫入見齊王  
曰酈鄆大夫不欲爲秦而在城南下者百數王收而與  
之百萬之師使收楚地即武關可以入矣括地志曰武  
關在商州上洛縣東九十里

洛南縣在洛水之南故名按雍州地志周以洛南屬商  
州漢屬弘農郡晉隋屬商州唐屬京兆郡宋金元因之復  
爲商州 國朝洪武七年改商州爲商縣始分洛南  
爲縣隸西安府華州今屬商州

山陽縣本雍荆之域春秋戰國皆屬秦即漢商山之  
地 歷漢唐五代宋金置邑之始缺其所主及考圓覺寺古

碑書大元國奉元路商州豐陽縣大德元年丁酉歲華

藏禪僧尋獲斷碑云大唐貞觀三年考之史貞觀唐太  
宗之年大德元成宗之年豐陽邑唐以來未詳元始書  
之 國朝降商縣改豐陽爲巡檢司成化年間復陞

商縣爲商州徙豐陽巡檢司漫川更立山陽縣隸商州  
商南縣本雍州之域商於之地在商州東三百里東去

鄧州內鄉縣三百里古無此邑 國朝新置商南縣

隸西安府



鎮安縣縣去府東南三百五卜里萬山間唐萬歲通天  
元年析商州豐陽縣地置安業縣景龍三年隸雍州景  
元中復隸商州乾元元年改爲乾元縣隸京兆府尋遷  
商州永太元年爲寇賊燒毀徙縣於西北六十里長慶  
二年復置乾元縣於舊地光啓二年經蔡賊燒蕩又徙  
縣於西北西玉峪龍紀元年復歸舊縣五季漢乾祐二  
年隸京兆府改爲乾祐縣宋金因之隸京兆府元季至  
元丙子改爲乾祐巡檢司至壬辰仍復縣於舊地甲午  
年革 國朝洪武八年仍立乾祐巡檢司屬西安府  
咸寧縣景泰三年始置今縣先建於野坪後遷於謝家

灣即今縣治

同州按地里叢編戰國時秦羽分屬塞國漢高帝置河  
上郡景帝分爲左內史武帝改左馮翊東漢因之後爲  
馮翊郡晉及元魏皆因之西魏改曰同州天寶元年爲  
馮翊郡梁曰忠武軍宋太平興國七年陞爲定國軍金  
爲定國軍節度元亦曰同州按唐韻會字注馮翊南有  
九泉同於一流故以名州實漢唐左輔之地 國朝  
因舊爲同州隸西安府按秦紀繆公送夷吾夷吾謂曰  
誠得立請割置之河西八城與秦背約不與戰於韓虜  
晉君以歸夷吾獻河西東至河秦數易君晉復強奪秦

西河地孝公元年下令曰二晉攻奪我河西地魏世家  
襄王十五年予秦河西地戰國策摽留謂韓王曰魏兩  
用犀首張儀而西河之外亡矣起守西河而秦兵不敢  
東鄉呂氏春秋曰吳起去西河而泣曰君誠知我而使  
我畢能秦必可亡而西河可王今君聽說人之議而不  
知我西河之爲秦也不久韓信傳涉西河正義云卽同  
州龍門河從夏陽渡者地里志關內關三十一同之龍  
門其一也郡縣志同州馮翊縣界有沙苑周太祖與高  
歡戰於沙苑大破之人栽一樹以表其功通典西魏乘  
勝攻陝州神武西至沙苑

郃陽縣在商周爲有莘國春秋時屬晉戰國時屬魏少  
梁秦爲內史商池漢爲夏陽縣晉隋屬左馮翊唐屬同  
州在洽之陽故爲洽州降爲洽陽縣其後流絕去水加  
邑因名爲郃陽宋金元皆因之 國朝仍爲郃陽縣

隸西安府同州縣有羈馬城左傳秦伐晉取羈馬漢書  
縣西南有梁山公羊傳曰洽陽之山也爾雅曰晉望一  
統志縣東四十里有夏陽城內有周文王妃太姒墓縣  
有剗首坑左傳晉敗秦師於令狐至於剗首

朝邑縣古雍州之地春秋時爲蒲關戰國爲秦魏境築  
城於此漢曰臨晉縣晉爲左馮翊之地後魏分置南五

泉縣西魏改爲朝邑縣以據朝坂故名隋有長春宮有關官有蒲坂尋復爲朝邑唐武德三年析置河濱縣乾元二年改曰河西縣隸河中府大曆三年復曰朝邑縣隸同州五代宋金元因之

國朝仍爲朝邑縣隸西

安府同州一統志縣東有大荔戎城西有高陽城後漢書臨晉本大荔有河水祠有芮鄉卽古芮國戰國策卽墨大夫是齊王曰齊地方數千里帶甲數百萬三晉大夫皆不便秦而在河湮之間百數王收而與之百萬之衆使收三晉之故地卽臨晉之關可以入矣

澄城縣古雍州之域在陝省東三百里春秋時爲晉北

徵地後屬秦漢始置徵縣後誤爲徵東漢省後魏置澄

城郡以縣屬同州唐初析置長志平縣後省長慶中割入

奉先縣五代梁屬河水府後唐復置同州宋金元

因

國朝仍爲澄城縣隸西安府同州一統志縣西南二十二里有北徵城乃秦伐晉取北徵卽此縣西北有王官

城左傳穆公伐晉取王官

白水縣本古之彭衙縣春秋晉秦交戰之地漢因其舊

屬左馮翊永元九年縣北界有粟邑後魏廢至隋改爲

白水縣以城西三里有白水河爲名亦屬馮翊郡歷唐

宋及元皆隸同州

國朝仍爲同州白水縣屬西安



府左傳文公二年晉敗秦於彭衙

韓城縣武王之後韓侯封於此春秋時韓梁二國也晉  
爲以梁邑秦晉戰於韓原卽此地秦更名夏陽縣漢爲  
夏陽縣屬馮翊郡隋開皇中始置韓城縣以古韓城爲  
名唐初置西韓州尋改爲縣唐武德八年徙置西韓州  
貞觀八年以縣屬同州五代梁屬河中府後唐復舊州  
廢宋天祐二年更爲韓原金改潁州太守取詩之幹不  
庭方謂幹正也禎而正之也故曰禎元至元元年州廢  
二年再立六年州又廢爲韓城縣 國朝仍爲韓城  
縣隸西安府同州漢書縣有龍門山太史公曰遷生龍

門常昭曰在縣北博物記曰有韓原韓子宋邑鄭氏  
曰韓侯先祖居韓城爲侯伯其界外接蠻服范睢曰秦  
韓之地形相錯如繡前漢書云長安瀕南山近夏陽師  
古曰夏陽卽河之西岸也在同州韓城縣界

何景明曰詩曰高岸爲谷深谷爲陵古今地形變遷安  
有常哉是故紀載封疆多失其故至於大謬不可勝道  
也余覽舊志若洛南縣謂晉都韓城謂韓子宋邑復繫  
之郟陽以郟陽爲晉望近矣而乾州亦云晉望或易置  
相錯或䟽遠承誤惡可以畫一哉今直以地里稍通者  
爲定附之俾後有可考焉爾

雍大記卷之三

攷易

華州因山得名周爲王畿之地鄭桓公始封之邑其地一名咸林又曰拾囿封桓公乃名爲鄭自鄭武公東徙河南新鄭之後此地乃其故國春秋時爲晉地戰國爲秦魏二國之境秦爲內史地漢屬京兆尹至西魏始改爲華州隋煬帝初州廢屬京兆馮翊郡唐改太州天寶元年改華陰郡昭宗化光元年陞爲興德府梁爲感化軍後唐改鎮國軍宋享祐五年改鎮潼軍節度金改金安軍元復改爲華州 國朝仍爲華州隸西安府領

華陰渭南蒲城三縣王海建炎元年五月趙子松建三屯之議一屯河中陝華胡舜陟言以三京關陝析爲四鎮同華陝府隸京兆擇人爲將帥史記魏築長城自鄭濱洛卽州東南三里魏長城是也正義云同華銀綬並魏地謂之山北華州以東至虢陝謂之河外

華陰縣禹貢道河南至於華陰山北曰陰縣在華山正北故云史記魏文侯三十六年齊侵陰晉本故陰晉地也秦惠文王五年更名寧秦呂氏曰春秋九穀云秦之華陽高誘曰或在華陰西又曰桃林縣西長城是也晉地道記曰潼關是也漢高帝八年更寧秦爲華陰太華

山在南有祠集靈宮漢武帝起菴曰華下隋曰華陰唐垂拱元年更名仙掌天授二年析置潼津縣在關口後隸虢州聖曆二年來屬長安中省神龍元年復曰華陰上元二年曰太陰華山曰太山寶應元年復故名有渭津關漕渠自死西引渭水因石渠會灞灑涇廣運漚潭至縣入渭天寶三載韋堅開又有永豐倉臨渭倉西十八里有瓊島宮故隋華陰宮顯慶二年更名東十三里有隋金城宮武德三年廢顯慶三年復置西二十四里有敷川渠開元二年姜師度鑿以洩水害五年刺史樊洸復鑿之使通渭漕金元皆曰華陰唐屬鎮國軍宋屬鎮

漢軍金屬金安軍元復屬華州 國朝仍爲華陰縣

屬西安府華州

渭南縣本漢新豐縣地秦符堅置渭南縣屬京兆郡因漢初有渭南郡故名後魏孝昌三年徙置今縣東南四里明光原上爲南新豐縣仍置渭南郡西魏廢帝二年分置靈源中源二縣改南新豐爲渭南縣後周建德二年郡及二縣並廢入渭南屬雍州隋文帝開皇十四年徙縣於今治兩京道里記曰隋文帝過縣以原上乏水故徙之唐武德元年隸華州五年復隸雍州天授二年於零口鎮置鴻州析渭慶山置鴻州縣領渭南慶山

陵櫟陽鴻門五縣大足元年廢鴻州併鴻州入渭南隸雍州後周顯德二年析隸華州宋金元皆因之 國

朝仍爲渭南縣隸西安府華州晉志漢祖龍興矯秦之弊分內史曰三部三內史者渭南河上地也

蒲城縣本秦重泉縣史記秦簡公城重泉歷漢如之莽曰調泉後漢復舊置後魏省卽今縣南五十里有重泉故城孝文帝太和十一年分白水置南白水縣以在白水之南爲名西魏廢帝三年改泉水爲蒲城縣以縣東有蒲地因名本屬同州唐開元四年以縣之豐山建睿宗橋陵改爲奉先縣仍隸京兆府十七年陞爲赤縣天



祐二年復屬同州宋開寶四年仍曰蒲城天禧四年隸  
華州金元因之 國朝仍爲蒲城縣隸西安府華州  
長安志賈城在縣西南一十八里古之賈國左氏傳謂  
芮伯梁伯賈伯伐曲沃是

乾州在長安西北隅故名本漢池陽縣屬左馮翊晉屬  
扶風郡後魏爲咸陽郡寧夷縣北隋改寧夷曰醴泉隸  
京兆府唐武后光宅元年析醴泉始平好時武功醴州  
之永壽五縣之地置奉天縣屬京兆郡德宗出幸陞爲  
次赤乾寧二年改置乾州又以畿內之好時武功整屋  
醴泉隸之尋並復舊天祐中復爲乾州領奉天一縣梁

太祖乾化中陞威勝軍析奉天好時武功整屋醴泉五  
縣以隸焉後唐莊宗同光二年罷軍名復爲乾州屬鳳  
翔府領奉天好時二縣其醴泉武功二縣還京兆府整  
屋入鳳翔府後唐天成二年領奉天一縣其好時還京  
兆府宋乾德三年復析好時與邠州之永壽二縣隸之熙  
寧三年廢州以奉天縣隸永興軍金改威勝軍太守元  
復爲乾州 國朝因之隸西安府領武功醴泉永壽  
三縣北五里有梁山古公去邠踰梁山

醴泉縣本漢左馮翊谷口縣地在九峻山東連仲山之  
西當涇水出山之處故謂之谷口今縣東四十里有谷

口舊城王莽曰谷喙後漢魏晉爲池陽縣地後魏武帝於口置溫秀寧夷二護軍改池陽縣爲寧夷縣隸咸陽郡西魏置寧夷縣後周改爲寧秦縣隋開皇十八年改寧秦縣爲醴泉縣隸京北郡以縣界有漢醴泉宮與記曰漢宣帝聞泉味如酒故以名縣亦漢宮名其城卽古仲橋城也唐武德元年析置溫秀縣按縣比有溫秀嶺後省醴泉貞觀十年營昭陵在九嶷山析雲陽咸陽二縣復置醴泉縣隸雍州天授元年隸鼎州大足元年還隸雍州廣德元年陞爲赤縣宋金元因之 國朝仍爲醴泉隸西安府乾州一統志縣有唐太宗六駿石刻曰青驪曰什伐赤曰特勒驃曰颯露紫曰拳駟曰白蹄烏

武功縣古有郃國堯封后稷之地周平王東遷以雍州賜秦孝公置四十一縣釐美陽武功各其一也古之武功蓋在渭水南卽今郃縣地是按漢右扶風有釐有郃有武功今此縣舊文釐美陽武功各爲縣而又云縣在郃縣地釐郃美陽皆爲武功耳左傳周景王使桓伯讓於晉曰我自稷郃芮岐畢吾西上也杜注云郃在始平

武功縣郃地是也廟記曰武功本名郃後改名釐城關駟十三州志曰釐古文作郃古今字異耳舊縣境有武

山斜谷水亦曰武功水是則縣本以山水得名也漢屬右扶風王莽曰新光後漢省永平八年復自渭水南徙武功縣於故虢城任安以武功小邑無豪右高貴故居武功晉屬始平國後魏太和十年改爲美陽又置武功郡兼美陽莫西二縣屬岐州後周孝明帝武成二年以武功郡屬雍州武帝建德三年省武功郡美陽縣自此以前皆治虢城今西南二十二里故虢城是其後立武功縣於今治所中亭川唐武德三年分雍州之武功好時整屋郿州之郿西縣於今置稷州因后稷所封爲名又析始平置扶風縣四年以岐州之圍川隸之七年以

郿隸岐州貞觀元年廢州省扶風以圍川泉隸岐州整屋武功隸雍州天授二年復爲稷州領此功奉天始平整屋好時等五縣大足元年廢稷州復隸京兆後唐同光中隸鳳翔長興元年還屬京兆府宋金因之元隸奉元路 國朝仍爲武功縣隸西安府乾州杜預曰縣西北有周城帝王世記曰周太王所徙南有周原即此後漢傳永初二年春寇寇三輔擊之轉戰武功美陽關在縣北七里

永壽縣本古豳國之地漢爲右扶風之漆縣後魏置廣壽縣後周改永壽縣隋省入新平縣唐初置縣於永壽

鎮因以求壽爲名隸邠州神龍屬京兆景龍初屬邠州  
宋乾德二年廢改屬乾州金因之元至正四年又以好  
時併入是邑徙縣於麻亭鎮 國朝仍爲求壽縣隸

西安府乾州世紀太王踰梁山括地志好時縣西北十

八里漢書云雍王邯迎擊漢陳倉雍兵敗還走戰好時

邠州本古西戎地虞夏之際棄爲后稷而封于邠夏衰

棄子不窟失其官守自竄於戎狄之間至公劉脩后稷

之業乃立國於邠之谷春秋戰國皆屬秦漢屬右扶風

安北郡漢末置新平郡兼屬安定晉因之西魏爲邠州

後周至隋皆因之煬帝初廢州以其地爲安定北地郡

隋義寧二年復置平郡宋陞爲靜難軍節度使金爲

州屬宋興軍元初因金之舊屬莊浪路領新平宜祿淳

化三縣尋改屬鳳翔以邊警斥堠於牙相制直隸陝西

省 國朝廢新平宜祿二縣俱併入州祇領淳化一

縣隸西安府玉海志天寶後王官之戍北不踰河西至

秦邠開元二十年治於京畿採訪使通典云秦晉遷九

姓之戎於渭汭在新平彭原之間孔氏曰公劉居豳度

其原隰蔡氏以爲卽邠州傳氏曰二澗當在邠州界皇

澗過澗是也

淳化縣因宋年號得名本漢之黎園鎮屬雲陽金龜鄉



主褒雲陽宮記曰車箱坂下有梨園漢武築之唐李克  
用以并師討郿岐駐軍梨園秦宋淳化四年因其地山  
林深僻多聚盜賊遂以雲陽金龜等六鄉建爲淳化縣  
元移縣治於三水改爲三水縣至正十八年復徙  
國朝仍爲淳化縣隸西安府郿州

三水縣古豳國故地舊城址存焉秦漢隋唐皆爲近畿

大邑元至正十有八年移治淳化縣 國朝因之成

化丁酉都御史余子俊馬文昇奏復坊縣屬郿州郡縣  
志云古豳城在縣西三十里公劉始都之處地理志豳  
故柁邑故城在縣東北二十五里宋熙寧五年隸寧州

政和元年隸郿州西魏置恒州尋廢縣界有羅川谷三

泉並流

耀州本漢役羽縣之地景帝二年置屬左馮翊宣帝神

爵二年鳳凰集役羽城今州東北一里故城是後廢後

漢永元九年復魏文帝自今寧州彭原縣界富平故城

徙北地郡於此其縣遂廢後魏初徙北地郡於今宜君

縣界義亭故城於此置北雍州未熙二年自三原縣界

永安故城徙北雍州於今華原縣西魏改爲宜州又廢

帝三年別立通川郡領泥陽縣隋開皇三年罷郡以縣

屬宜州六年改宜陽爲華原縣大業三年省宜州屬京

北郡以土門縣入義亭二年又於縣置宜君郡領華原  
宜君同官并置土門四縣唐武元年罷郡立宜州貞觀  
十七年省宜州及土門縣以華原同官二縣屬雍州宜  
君屬防州垂拱元年改為永安縣天授二年又以永安  
縣置宜州領永安同官富平全天原四縣大足元年廢州  
改永安復為華原縣隸京兆府天祐三年李茂貞據鳳  
翔僭行墨制以華原縣置耀州建義勝軍節度領華原  
一縣析同州美原縣為鼎州以全為屬郡梁正明元年改  
耀州為崇州義勝軍為靜勝軍鼎州為裕州後唐同光  
元年復為耀州名順義軍一析雍州之富平三原雲陽同

州之同官美原五縣屬焉三年降為團練州周顯德中  
降為刺史州宋開寶五年陞為感義軍節度太平興國  
二年改感德軍元祐三年復置耀州金元因之 國

朝仍為耀州隸西安府領富平同官二縣

富平縣本漢舊縣屬北地郡漢書曰北郡都尉治神泉  
障菴曰時武前漢治今在甘州回樂縣界後漢徙今寧  
州彭原縣界晉徙縣於今縣西南一十里懷德城後魏  
自今萼原縣北殺翊故城徙北地郡於華原陽東南通  
川故城西魏文帝大統五年自懷德城徙於今治周閔  
帝二年於縣置中華郡武帝省郡以縣屬馮翊隋開皇

三年隸雍州唐天授二年隸宜州大足元年州廢邊隸  
雍州開元中徙縣於義亭城貞元四年陞爲赤後唐同  
光元年隸耀州宋金皆因之元李侁美原縣爲一縣後  
因兵毀元將張思道徙縣於窟橋頭即今縣 國朝

仍爲富平縣隸西安府耀州一統志南十五里有廣武  
城東南三十里有雨金堡秦獻公時櫟陽雨金後因以  
名按其地古櫟陽縣界也通典靈州懷遠漢富平縣也  
後置六鎮三戍在縣界北山堂考索云唐開四鎮則福  
極吐蕃雜海云襄公討西戎以救周平王東遷乃以岐  
豐之地賜之遂橫有周西都宗周畿內八百里之地東  
至迤山迤山孔氏云謂驪迤禹貢無迤山郡縣志在今  
京兆府富平縣西南二十五里

同官縣本漢投栩之地屬左馬翊晉爲頻陽縣應劭曰  
以在頻水之陽十六國春秋曰符堅於投栩城東北銅  
官川置銅官護軍後魏太武太平真君七年罷護軍置  
銅官縣屬北地郡莊宗永安元年屬宜君郡後周武帝  
建德四年自今縣東十里同官故縣徙於今治同字舊  
從金至是傍除金字隋開皇三年改宜君郡爲宜州以  
縣屬焉大業二年省宜州以縣隸雍州唐貞觀初屬宜  
州十七年州廢來屬北地郡天授二年又隸宜州大足

元年遷雍州梁開平二年自京兆府析隸同州後唐同  
光元年隸耀州金元因之 國朝仍爲同官縣隸西

安府耀州

何景明曰陝西八府西安府凡三十六州縣土物蓋異  
七府而加一二非古雍秦上地哉然賦役亦加於七府  
矣夫它省悉有京運關內則留賦以贍三邊比邊儲外  
之百姓內困何邪地力不加而非賦之供日廣也

潼關衛在鞏陰縣東四十里歷代疆域與華陰同杜氏  
通典曰前代本名衝關言黃河南流衝激華山之東故  
以爲名後因關西一里有潼水因以名關唐立關北屬

山西蒲州東南郡河南閩鄉縣元末平章李思齊張良  
弼等據守洪武元年定陝西以都督郭奩鎮守洪武七  
年開設潼關守禦千戶所隸陝西都司洪武九年改設  
潼關衛隸河南都司永樂六年改隸中軍都督雜海云  
潼關上躋高隅俯視洪流盤紆峻極實爲天險河北岸  
爲風陵津北至蒲關六十餘里河山之險迤邐相接自  
此西望川途曠然蓋神明之奧區帝宅之幄戶水經注  
河水自潼關東北流水側有長港謂之黃港坂東出通  
謂函谷關岸高路 車不得方軌魏武征韓遂馬超連  
兵此地今河之西有曹公壘通典竇秦自風陵濟河至



潼關蜀志魏延欲請精兵萬人與諸葛亮異道合於此  
關亮制而不許

潼關實關內地越河南而隸於京畿防慮後世至深遠  
矣今以內監守之塗者率由高南山西路以入

維大記卷之四

攻易

鳳翔府禹貢雍州之域本岐州故地春秋戰國爲秦郡  
始皇并天下以屬內史漢高初更內史名中地郡景帝  
分屬右內史武帝後置主爵中尉及改爲右扶風以輔  
京師謂之三輔魏爲扶風郡晉爲秦國後魏置平秦郡  
又於郡東置雍城鎮後鎮爲岐州西魏改平秦爲岐陽  
郡隋初郡廢置岐州煬帝初州廢置扶風郡唐初復爲  
岐州天寶初改爲扶風郡肅宗至德初以岐州置鳳翔  
府取鳳鳴於岐山之義號西京寶應間罷京名屬關內

道五代時屬關西道宋仍爲府陞節度屬秦鳳路金置  
天興軍屬陝西西路元初割平涼府秦隴德順西寧鎮  
寧州隸鞏昌路廢恒州以所領蓋屋隸西安府尋立鳳  
翔路總管府至元九年更爲散府專行四品府事元末  
陝西平章政事李思齊據守 國朝洪武二年衛國

公徐達兵至思齊款附是年仍爲鳳翔府領州一縣六  
附郭治鳳翔縣寰宇記汧渭岐漆雍五水皆會於郡界  
舊志雍有三秦鳳翔其一也唐王承元傳鳳翔右豸涇  
原地平少巖阻前漢地理志武帝開地斥境兼徐梁幽  
并冀商之制爲十三部扶風其一也詩括云扶風名鳳  
翔雜海云德公初居雍城大鄭宮世紀今扶風雍是也  
洪武間設鳳翔守禦千戶所於城內隸陝西都司秦記  
康公居雍高寢桓公居雍大寢

鳳翔縣治本岐州故漢地漢爲雍縣唐至德中改曰鳳  
翔縣宋改爲天興縣金大定十九年以天興縣衍慶殿  
宇相同又更爲鳳翔縣元因之 國朝仍爲鳳翔縣

雜海云德公徙雍在鳳翔府天興縣南七里

岐山縣治本岐周故地漢晉屬雍縣地後周割涇州鶉  
觚縣地置三龍縣於岐山西南四十里改爲岐山縣唐  
改爲岐陽縣武德中移於龍尾城廢爲鎮五代宋金元

皆因之 國朝仍爲岐山縣隸鳳翔府通典文王徙於岐輿地廣記太王邑岐山之下詩謂居岐之陽叔向云昔成王盟諸侯於岐陽沈括曰後漢西南傳作彼岵者岐呂氏以爲太王文王雖往而其岵爲可行之道昭然皆在與山俱存未嘗忘也雜海說文周之興也鸞鷲鳴於岐山成王有岐陽之蒐秦記寧公徙居平陽世紀郤之平陽亭是也地志平陽故城在岐山昭縣西四十六里秦寧公徙都之處縣有平陽鄉鄉內有平陽聚帝王世紀曰周太王所徙南有周原故始改號曰周山海經曰其上多白金其下多鉄毛氏曰周原沮漆之間鄭氏云

率西水潄沮漆水側也周圮古公去豳渡沮漆曹氏曰岐周之地迫近西北二虜鎬方焦穫之地嘗爲其所據雜海世紀太王避狄循漆水地理志在扶風漆縣西又云王季從程書序云維周王季宅程地理志程在右扶風安陵鬪駟以爲本周之程邑也蘇氏曰文王既克密須於是相其高原而徙都所謂程邑是也

寶鷄縣治本岐周故地陳倉秦漢舊縣後魏曰宛川西魏復改陳倉後周置顯州尋州縣俱廢隋開皇十八年置曰陳倉唐改爲寶鷄縣地理係右扶風地志載三秦記云陳倉以山得名有石鷄唐至德二載更名寶鷄縣

宋金元因之

國朝仍爲寶鷄縣隸鳳翔府榮氏開

山圖註伏羲徙治陳倉又云諸葛武侯進兵攻距魏中將郝昭即此地三秦記曰秦武公都雍陳倉城通典後漢涼州賊王國圍陳倉左將軍皇甫嵩督前軍董卓救之卓欲速進赴陳倉嵩不聽卓曰智者不後時勇者不留決速救則城全不救則城滅嵩曰陳倉雖小城守固備非九地之陷也王國雖強而攻我之所不救非九天之勢也國今以陷受害之地而陳倉保不拔之城我可不煩兵動衆而取全勝之功將何救焉舊志云左金隄右玉澗面渭水北背陵原

麟遊縣通典隋置鳳

義寧元年高祖起仁壽宮二

年於宮西獲白麟更鳳棲曰麟遊郡唐武德元年廢置

麟州後降爲縣治因山頭爲城四面深澗宋

金元因之

國朝仍爲麟遊縣屬鳳翔府

扶風縣本岐周故地漢以扶風郡爲三輔之一晉廢爲

美陽縣後周天和元年置燕州省美陽縣隋末州廢唐

武德三年析岐山縣置漳川縣貞觀八年改爲扶風縣

五代宋金元皆因之 國朝仍爲扶風縣隸鳳翔府

舊志云東臨漆水西接岐山南阻渭流北抵鳳嶺何氏

曰晉之興中原半爲夷居姚氏羗也而居扶風符氏



也而居臨渭地理志周道郿夷

郿縣崧高詩申伯出封王餞於郿即今縣境按地里圖  
經郿本漢舊縣武帝置屬右扶風後漢董卓之郿塢也  
隋書註舊曰平陽縣西魏改曰郿城後周廢入周城縣  
開皇十八年改周城爲渭濱大業三年改爲郿縣又後  
周置雲州建德中廢唐末仍爲郿屬鳳翔府金貞佑元  
年隸京兆府陞郿州太守元憲宗辛亥仍爲郿州至元  
中改爲縣隸奉元路 國朝仍爲郿縣隸鳳翔府東  
通豐鎬西接散關太白聳其前渭水繞其後

隴州夷貢屬雍州之域秦鳳之間因山而名山高而長

故名隴今之隴山天井金門秦嶺皆古有也春秋戰國

屬秦內史漢晉屬右扶風西魏置隴東郡及汧陰縣後

改縣曰杜陽後周又曰汧陰開皇三年郡廢五年縣改

曰汧源又有西魏東秦州後改爲隴州隋大業三年州

廢尋改屬扶風郡唐復爲隴州天寶元年曰汧陽郡宋

爲隴州屬秦鳳路金海陵時屬熙秦路大定二十七年

來屬宋金俱置防禦使元改屬鞏昌路罷防禦使爲散

郡省吳山隴安二縣入汧源縣領汧陽汧源二縣

國朝洪武二年歸汧源縣入隴州屬鳳翔府領縣一

曰汧陽太寧關記云穀有二岐左隴山而右汧河面五

峯而枕靈谷爲秦鳳要害之地昔始皇嘗表此以爲秦  
之西門應邵曰隴西郡有隴坻在其西郭仲產秦州記  
曰隴山東西百八十里登山嶺東望秦川四五百里山  
東人行役非此而顧瞻者莫不悲歌括地志文公東獵  
汧渭之會卜居之乃營邑焉漢匈奴傳曰自隴以西有  
犬戎史記自隴以西有緄戎地理志隴之安戎乃唐防  
禦使薛逵大中六年奏稱臨水挾山當川限谷危墻深  
塹克楊營蟲芝勢改爲定戎關

汧陽縣吳山在古文以爲汧山周禮其山鎮曰吳嶽  
其數曰弦蒲雍州山北有蒲谷鄉弦中谷雍州弦蒲菽

汧水出西北入渭漢置汧縣與隴糜相接屬石扶風晉  
爲汧陽後魏隋皆置汧陽郡唐復爲汧陽縣宋金元皆

因之

國朝仍爲汧陽縣屬隴州隸鳳翔州爾雅云秦

有陽陽陽即汧縣地一名具圖後漢書隴糜侯國雍左  
傳邵穆公采邑維海云昔非子養馬於汧渭之間孝王  
封非子爲附庸邑於秦谷南臨汧水北倚馮河

何景明曰鳳翔即岐周今在八府爲地少然邑轉而無  
險阻土物亞於西安余至鳳縣觀鳳鳴之山曰南岐至  
成縣詢古西康州有鳳鳴處鳳縣今屬漢中成縣今屬  
鞏昌各去數百里間於羗戎則文王治岐地蓋廣遠矣

平涼府禹貢雍州之域春秋爲朝那故地秦屬北地郡漢析置安定郡治高平晉徙置臨涇後魏於潘原縣爲武州屬太平郡後周屬原州隋安定郡治安定縣又析置平涼郡治高平唐初屬原州元和中以原州平涼縣置行渭州又陷於吐番中和四年復置渭州宋爲涇原路經畧安撫使治所政和中置平涼軍金初爲原州刺史大定二十七年爲涇州支郡後立平涼府元初併潘原縣入平涼化平入鞏亭仍爲平涼府隸鞏昌宜都總帥府 國朝仍置平涼府領州三縣七附郭治平涼縣洪武三年設平涼衛於府內隸陝西都司唐天寶治

於河西節度胡文定公曰赫連定自統萬徙於此地而振張軌據姑臧即涼州後呂光據是稱梁沮渠蒙遜段業稱涼謂之北涼赫連勃勃據朔方都統萬稱大夏隋末梁師都據於此

何景明曰余至平涼城中十室皆荆戶土墻而朱其門問之悉宗室人居日需祿府官不得則白衣張卷嘗於衛府官患苦之夫宗室日益蕃而養弗給肢脛病不伸畜而將爲壅腫支離可不急治之哉

平涼縣治在府治東元末廢壞 國朝洪武三年於府東一里十六步治平寺三門外草創治事洪武六年

知縣吳添祥於舊基創建舊縣建置漢爲安定郡高平  
縣後周暨隋始置平涼縣有可蘭山宋元因之

國

朝仍爲平涼附郭縣通典漢文帝與匈奴和親是後復  
大入蕭關燒回中宮蕭關卽平涼

華亭縣秦屬北地郡兩漢晉屬安定郡後魏築城置鎮  
以扼番戎之路隋大業初始置華亭縣倚有隴水的水  
亦屬安定郡唐義寧二年析華亭屬隴州爲神策軍之  
地後唐同光中置儀州宋宣和中復爲華亭縣屬渭州  
今平涼府金元仍宋舊縣

國朝仍爲華亭縣屬平

涼府

崇信縣秦屬北地郡漢屬安定郡見方輿勝覽唐貞元  
間武康郡王李元諒築三鎮一曰百里鎮二曰元良鎮  
三曰崇信鎮見長安志宋改鎮爲崇信縣屬鳳翔府淳  
化初改爲儀州後州廢以縣屬渭州金屬平涼府元因  
之

國朝仍爲崇信縣隸平涼府

鎮原縣秦屬北地郡兩漢晉爲安定郡地元魏太武置  
高平鎮後爲高平郡兼置原州隋初郡廢大業初州廢  
置平涼郡唐武德元年曰原州天寶元年曰平涼郡中  
都督府廣德元年沒於吐蕃涇原節度使馬鄰表置行  
原州於靈臺之百泉城貞元十九年徙治平涼元和三



年又徙治臨涇太中三年收復關隴歸治高平廣明元年復沒於吐蕃又僑治臨涇宋至道元年以故高平縣地置鎮戎軍金因之元改鎮原州以東山三川二縣來屬至元七年例併州縣遂以臨涇彭陽東山三川四縣及平安一寨入本州屯田四百二十六頃有奇屬鞏昌便宜都總帥府元末僉書四川行樞密院事張德欽據守國朝改州爲鎮原縣屬慶陽府旋以地近平涼遂隸平涼府

何景明曰鎮原有石窰嶺坂盤迴峻極泥則不可上下足以固矣而虜時時入掠故域守在人險以爲固末焉

爾已

靜寧州史記故戎那地兩漢晉屬安定郡隋屬平涼之會寧唐屬平涼渭州之西北境宋慶曆中以渭州隴干城置德順軍復置隴干縣屬秦鳳路按德順軍舊隴干城也在六盤山外宋祥符中守渭州曹瑋今隴山外有棄地號隴干川垣爲兵衝曾無捍蔽熟戶以田輸官因相地形築城盡要害之地以兵戍之立堡置弓箭手居之慶曆中經畧使韓琦言隴干城爲山外四砦之首北接鎮戎軍捍一路戎馬走集北緣胡盧河川經占蕭關至鳴沙縣乞建爲軍因賜名德順自六盤山砦南二十

里至瓦亭四十里又七十里渭州西自神林堡四十里至石門蕃界七十里東南至儀州百二十里東北至鎮戎軍百一十二里南好水川金皇統中陸軍爲州元初併治平水洛二縣入隴干後復省隴干改爲靜寧州屬莊浪路

國朝州仍爲舊領隆德莊浪二縣屬平涼

府

隆德縣秦屬北地郡漢屬安定郡五代以前地與渭州同宋天禧初置砦屬渭州地名邪沒隴川蕃語訛謂之羊牧隆城慶曆初改爲隆德砦若隸德順軍在六盤山外時與夏人分界隆德與靜邊二砦居邊壕外東至隴干

里上有崖閣下臨嘉陵江唐冲妙先生之別隱宋淳熙中憲使李正大書遜迹山三字鑄於山麓之石

堡字山在鳳縣南三里上有堡字島峙舊傳宋吳曦戍兵於此山

御愛山在鳳縣舊梁泉東北五十里松陵堡之側唐韋莊入蜀記云大散嶺之北唐僖宗巡幸歷山下愛玩不能去

南岐山在鳳縣南一十里上有竹雲洞洞内有秋池方輿勝覽云南岐志鳳之名州其疆理與鳳翔府相隣有周之鳳鸞鸞嘗鳴於岐翱翔至于南而集焉是以西岐

曰鳳翔府南岐曰鳳州

何景明曰余由南岐至柴關諸嶺木爛于道樵采弗覩而長安之民亡種火之薪物用有無何可以相通哉

父子谷在鳳縣北十里唐僖宗西幸蜀至白石鎮有村叟進醴上問叟曰此何居對曰父子谷因賜金帛問其姓名不對

和尚原在鳳縣宋紹興初金兀朮會諸道及女直兵數萬人造浮梁跨滑親攻和尚原吳玠自富平收兵保此積粟繕兵列柵爲死守計或謂玠宜退屯漢中扼蜀口以安人心玠曰我保此敵天下不敢越我而進堅壁詰之

隸都元帥府立總司轄邠州後鞏昌都總帥府或隸平涼府陝西省隸不一

國朝仍爲涇州隸平涼府後

後漢西戎傳云涇北有義渠之戎雜海云盧芳據安定稱西平王安定卽涇州周禮職方氏曰安定北地上郡隴西天水金城於古爲六郡之地其人性猶質直然尚儉約習仁義勤於稼穡多畜牧無復寇盜矣有涇水至高陵縣入渭通典步落稽胡蓋晉時匈奴別種或去山戎赤地之後自安定以東方七八百居山谷間後周齊王憲討破之

靈臺縣古密須之地媯姬之國大雅文王伐密曰密人

不恭敢拒大邦侵阮徂共阮在今涇州北五里之共池是已秦爲北地郡兩漢晉爲安定郡之陰密縣百蠻安亭隋大業初以安定鶉觚分置靈臺縣二年縣廢唐天寶中復置靈臺縣宋金仍唐之舊元至元七年以縣歸併涇州十一年復立以良原縣併入本縣而以長武縣仍併於涇州

國朝仍爲靈臺縣屬平涼府涇州

固原州秦屬北地郡兩漢晉屬安定郡唐故原州蕭關鄯廬山朝那湫及涇水所出即其境唐至德中陷於吐蕃自是三輔西無襟帶之固宰臣元載上議曰今西境極於潘原吐蕃防戍在摧河保原州界其間當四塞之

接隴山之固草肥水甘舊豐存焉吐蕃北毀其垣墉棄之不居其西則監牧故地長壕大軌畫復深固乘間築之可移大軍居涇州以爲本根分兵守石門木峽隴山之間北抵於河皆連山峻極不可越置鳴沙縣以爲安豐軍之羽翼靈武五城爲形勢然後舉隴右之地以至安西是謂斷匈奴之脛圖其地以獻量并泉計徒庸器鍾皆具而不果城宋咸平中始詔曹瑋脩築建爲鎮戎軍自隴而東緣古長城開浚壕塹初李繼隆請城於此朝廷詢其事弟繼和奏曰平涼舊地山川險阻旁扼夷落爲中華襟帶乃城之後以爲便東至涇州一百八十



里西南至臨洮六百里南至秦州四百七十里西北至靈州五百里金陞軍爲鎮戎州元初仍爲原州至元十年世祖皇子安西王忙阿剌分治秦蜀遂立開城路威平府仍視上都號爲上路至治三年降爲州領縣一曰開城在府南四十里州一曰廣安在府東南四十里國朝洪武初府與州俱廢惟縣存焉改曰開城成化三年胡寇內侵殺縣官城殘毀乃奏請於

朝移縣於

北四十里之固原即舊原州鎮戎軍成化五年都御史馬文升檄按察司僉事楊冕等增築新城添設固原衛於縣治內隸陝西都司弘治十五年總制尚書秦紘奏

改爲固原州隸平涼府

陝西行太僕寺在平涼府東洪武三十年少卿潘立創衙治事

陝西死馬寺在平涼府東永樂四年建初於指揮柱諒宅治事永樂十五年移建今處內設主簿廳領長樂靈武威遠同川熙春順寧六監開城安定弼隆廣寧清平萬安慶陽定邊武安隴陽保川泰和天興永康嘉靖安勝康樂鳳林香泉會寧雲驥昇平延寧永昌二十四死俱在本府及慶陽鞏昌府境界正統三年又併甘肅死馬寺入焉

河景明曰諸寺死不治則三邊無馬今以漢中之茶收  
羌氏之馬甚利故必茶法行斯馬政可舉矣

